

932.*ohne Datierung****Michil Schober bekennt eine Schuld und verpfändte sein halbes Haus sowie Acker und Wiese.***

fol. 172r Michil Schober hat bekanth, daz er schuldig sey Hanszen Schengken 18 ß 24 gr. Sulche schuld hat er ðm mit seyn halben husze vorphant und mit synen egkirm und wiszin, dy er vor der stad hat, vorphant. Ab er ðm nicht bezalunge tete, daz er sich sulcher schuld vor ydirmenlichin doran irholen sal.

933.*1448 Februar 10****Nickel Tile quittiert die Rückzahlung einer Schuld.***

fol. 172r Actum sabbato ante invocavit ist komen Nickel Tile und hat bekanth, das ðm Steffan Knorre, seyn styffatir, sulche schulde, dy er ðm an seyn vetirlichin erbe schuldig gewest ist, czur gnuge uszgericht und bezalt hat, mit dem bethgewande, daz ðm dorczu gemacht ist, und sich mit ðm usz den erben,^{a)} egkirm und wiszen geteilt hat und sagit on allir sachin quid, ledig und loz. Gereth ðn vordir dorumbe nicht an czu langen noch czu beteidigen. Actum anno etc. XLVIII.

a) folgt durchgestrichen gutes

934.*1448 Februar 24****Schober übernimmt eine Bezahlung.***

fol. 172v Schober hat Petir Schellir von der Plauwenicz gereth vor eyne were vor ansprach, als were recht ist, keyn Peter Wingkeler vor eyn ß gr, dy om Petir Schellir an seyns brudirs gute und erbe noch schuldig ist. Als hat Schobir gereth, ab er von ymanden umbe daz ß gr angelangit wurde, daz er^{a)} Petir Schellir^{b)} des schadinloz benemen wolle. Actum sabbato ante oculi anno etc. XLVIII.

Auch hat Petir Wingkeler czu der Plauwenicz und Petir Ernfrid czu Wolfisgrun gereth und globet, Schobir der vorsaczunge schadinloz czu halden.

a) folgt durchgestrichen gon b) über die Zeile geschrieben, ersetzt durchgestrichen Wingkeler